



BARTHOLOMAEI RICCI IN BAR.
THOLOMAEI FERRINI FVNERE
ORATIO.

AD LANFRANCVM GIPSIVM
HERC. ATESTII FERR. PR.
ET ATRII PRAEFECTV
ACCVRATISS. ET
CONSILIARIVM
PRVDENTISS.



Bart. Riccius Lanfr. Gipsio. S.D.

Vides Gipsi qua cōditione homines simus nati, quāq; nobis ea vel cum belluis cōmunis, nisi longe ēt inferior interdū sit; Ferrinus adolescens optimis morib. vita integerrima fructu iam maximo, qui tamen longe maior sperabatur, tam subito nobis ereptus est, vt. repentino mortuus videri possit. quem ego casum, quā cōmunē amicorū iacturā, quē in eo maxima facta est, cū multis modis mecū lūgērē, neq; meo tñ dolori neq; eius virtuti à me satis factum esse duxi, nisi meis lachrimis aliis quoq; lachrimas cōmouissem. Quare hāc orationē, quam in eius funere scripsi, edere statui, sperans id me eo modo ab omnib. qui eam legerēt facile consequi posse. ea vero separatim vt sub tuo nomine exiret, volui. sciebam. n. te in primis illum amasse, summoq; eius desiderio quotidie grauius commoueri, vt nihil dubitarem quin tibi huius lectione istas lachrimas excuterem facillime. ac hoc quoq; modo si mecum tantum amicum desleres, tibi foret longe gratissimū. Lege igitur, ac desle. parēq; luctum pari beniuolentię redde. in primis autem etiam atq; etiam diligenter, vt valeas, cura, vale.

Bartholomæi Riccii, in Bartholomæi

Ferrini Funere, Oratio.

VTinam Princeps amplissime, Ciues honestissimi Bartholomæi Ferrini laudes hodie mihi ex hoc loco vobis essent lachrimis explicandæ, cumulate, n. hoc modo illis me satis facere posse facile sperarem. sed cum id mihi oratione faciendū esse video, ne id satis præstare possim, prope despero. nam, cum illæ multæ ac magnæ sint, meæ autem dicendi copię multo minus q̃ mediocri, tanta vis lachrimarum accedat, quantam ex istis mihi seris oculis defluere videtis, ne istis opprimar dicendo, ac pro verbis lachrimas tantum vobis hoc loco effundam, magnum est periculum. Cur igitur potius cum mulierib. domi istud officium Ferrino tuo non præstitisti? locum hunc alii ad dicendum et paratissimo, et fortissimo viro reliquisti? Utinam id mihi per eius charissimam vxorem, ac propinquos omnes licuisset, fecissem equidem q̃ libentissime. sed cum isti omnes hoc munus à me vno contenderent, atq; ita contēderent, vt aut illis ingratiſſimus, si id negassem, aut vobis ineptiſſimus, si cōcessissem, viderer omnino. malui meā fidem hoc quoq; modo illis probare, q̃ vestrā animi mei imbecilitatis accusationem certissimā tacēdo deuitare. Tu igitur dolor, tu dolor vnde mihi tam perpetuum luctus flumen emanat, hoc mihi nunc, quantum vnus horæ est spaciū, cōprime. tu lachrimas siste, mētē atq; animū laxa; vocem libera. verba explica. brevis emporis est, quod te oro; non q̃ multa et maxima mihi hodie dicenda essent, sed vereor, si longius tempus petam, ne id te exorē, quin ex hoc quoq; tam paruo, si impetro; me tibi gratissimū fore polliceor, nam cum me domum contulero hodie, cras, ac quoties tā ti amici in mentē venerit, (veniet autem sæpiſſime) toties vim

lachrimarū ingentē tibi persoluam, toties luctum meū renouabo.

Nascitur hic igitur (vt inde orationis meae exordium sumam vnde is vite sue initium sumpsit) parentib. obscuris, nulla familiaria cognatione, in re autē per q̄ angusta. vt si fortuna huic Ferrariam patriam ademisset. nihil hoc homine infelicius; nihil miserius nasci potuisset. sed quantum huic fortuna improbe detraxit, tantum, atq; adeo longe amplius à natura isti ipsi recompensatum est. continuo. n. hac id huic ingenii elargita est; quo ad omnia ingenua studia maxime aptus esse videretur; quo item et dotē satis amplam, affines, quos voluit, certe posteros, si vixisset, nobilissimos relicturus, dignitatem aut quātam mox audietis, sibi comparauit. Nam cum Pistophilus Alfonsi Pr. à secretis parī vir et iudicio et integritate hunc adolescentem optimo ingenio, spe maxima videret, continuo illi animum adiecit, neq; prius ab illo suo desiderio destitit, q̄ eum in illum locum, qui est à scribendis Principis epistolis collocauit. Iam decimus sextus hic annus agebatur, cum primum Alfonso patri tuo hanc operam in scribendis epistolis publice dare instituit; quā ēt tibi Herc. Pr. multos annos prestitit integerrimam, cuius officii recte perfungēdi cum duplex ratio sit, vna, quę ad ciues, atq; ad ceteros quib. aliquo modo cum Principe agendū sit, altera, quę tota ipsius est Principis, cū et scilicet cū ceteris principib. per litteras aliquid agendū est. hic nos ter in vtra magis valuerit, nō facile dixeris. nā sic cū ciuib. sic cū prouincialibus, sic cum exteris in ea scribendi ratione versatus est, vt qui q̄ benignissime, continuo. n. quicunq; ad se adibant, qui suā operam poscebāt, eo et vultu, iis verbis accipiebat, vt nihil amicis, nihil humanius accipi posset. re vero postea ipsa et breui et fideliter confecta, sic eos à se dimittebat, vt nihil benignius, nihil amicus dimitti posset. ac quoniam non omnium hominum vna

eademq; ratio habenda est. sed quisq; pro sua conditione est tractandus. hic noster in hoc virorum delectu habendo mirū habuit artificium, nam siue ignobiles ad hunc accessissent, siue splendido loco nati, siue pauperes, siue in re benelauta positi, siue cogniti, siue minus noti, omnes pro conditione personæ mire amplectabatur, ac quasi speculum faciebat, cui quidquid obiectum sit, quale id cunq; est, tale referre solet. qua vna quoq; ratione id illi eueniebat, vt inferiorib. parib. potentiorib. æque charissimus esset, omniumq; laudem sine inuidia facile reperiret. Altera vero huius officii pars erat. quam totam ad Principem pertinere dicebamus, cum is scilicet cum aliis principib. per litteras agit. huius item duplex est ratio altera in iis, quæ à principe in totius rei materiā in q̃ paucissimis verbis dictantur, recte percipiendis; altera vero in iis ipsis postea et prudēter, et ornate conscribendis, in quorū priore sic Principi suo hic satisfaciebat, vt cum adolescens erat, raro vllum huius verbum, cum vero vir factus est, nullum ab eo corrigeretur. In altera vero sic excelluit, vt pares paucos, superiorē certe habuerit neminem, nam si scribendum erat ad Pont. Maxi. ad Regem, ad Senatum aliquē, ad parem, ad inferiorem, cōtinuo quod Princeps trib. illi verbis dictasset, id ipse longiori oratione explicans, sic statim cōstituebat, sic vnum quodq; suo loco collocabat. vt nihil aptius, nihil magis compositè strui, atq; disponi posset. ea vero postea dictione illud scribebat hac nostra, qua vulgo italice loquimur, qua quis id optime facere didicisset. ac, quod in primis prouidendum est, cuiusq; personæ rationem diligentissimā adhibens, decorum suum attente conseruabat. Cum vero (quod sæpius Pr. accidere solet) vt de re eadē ad plures littere dandæ essent, quoties id huic nostro vsu venisset, caue quicq; decima ceteris similis esset

epistola, vna res erat, argumentum idem, sic varia tamen ac multiplex, & instituendi ratio et explicandi locutio, vt nihil alia ab alia mutuata esse videretur. Mos item prudentum est Principum, qui q; sua consilia per suas litteras deprehendi nolunt, vt quibusdam suis certis notis loco litterarum positus vtantur. hic ita in iis, quib. vtitur Princeps noster versatus erat, ita in alienis minime rudis, ita in conficiendis nouis aptus, vt facile omnes omnium Principū enodaret, ac sine vlla difficultate percurreret. Quę omnia Herc. Princeps facile animaduertens, ac optimi adolescentis ingenium, ac prudentiam ratus intra angustissimos scripturę cancellos non esse amplius continendum, sed alios fructus ex eius ore, ac, (quod dicunt) viua voce capi iam posse videret, primum huic ferē omnes italicas legationes obeundas comittit, Mediolanum ad Histonii Principē, ad senatum mittitur. in Flamminiam ad Pontificios prefectos quotidie, sæpius Bononiā, Mantuā, Venetias nō semel. postremo autem ad Regem etiam Cæsarem in Germaniam, quo tē pore bellum illud aduersus gallos gerebat difficillimum. ex quib. omnib. legationib. fæliciter reb. suis confectis ad Pr. suum semper rediit; ex qua quoq; tanta huius tum fide, tum prudentia mira omnium hominum conflata erat opinio, vt hunc Pr. Hercules cū vsus venisset, in eorum numerum, qui tibi sunt à secretis, prorsus decerneres; idq; iam pridem, si videri posset, te apud animum tuū idem constituisse arbitrabantur; quam dignitatē cū affectus esset, nihil ei postea, quod à te Pr. suo habere posset, desiderandum reo linquebatur. is. n. ei supremus, ac maximus erat apud te locus, in quem eum etiam peruenisse recte dici potest, quando ab omnib. eo dignus est iudicatus, atq; à te Pr. suo eo nomine in legationib. sit semper appellatus; Quo vuo tanto viro, tam immature tibi erepto

ac quo tempore eo tibi magis opus esset, hoc loco tuo nomine dolendi finem nullum facio; quē admodum in eo nullus tibi finis factus est iacturæ, nam vt omnes tuos (quod cum eorum tamen bona gratia dictum volo) diligenter perlustraris, cum Ferrinum alterum repereris, in eo secundum, & reliquos reppereris. Sed quid ego dolorē tuum augeo? quid te acrius sollicito? cur pectus tuum singulis verbis meis effodio? quare transeo ad reliquas huius cum corporis, tum animi virtutes egregias. Hic igitur forma fuit eximia, ore atq; oculis (vt omnes nostis) quib. ad se se amandum facile quemuis alliceret, vultu hilari, oratione suauiss. maximeq; explicata; mundicie ac totius corporis actione felicissima. quæ bona cum vsq; eo bona sint, quoad cum virtute coniuncta sunt, ac sepius iis obesse solent, quib. attributa sunt, tantum abest, vt huic nostro quicq; obfuerint, vt summam omnium illi admirationem constantissime conseruarint. hic .n. iis bonis semper sic vsus est, vt nulla eorum vi ab honestate vnq̃, vel lato, (quod aiunt) digito abduci permiserit; putauit .n. vir sanctiss. nihil homini turpius, nihil tetrius accidere posse, q̃ quæ à Deo bona haberet, ea si ipse iniquius coinquinaret, ac fædius conspurcaret. In cibo, ac potu eam delectationem capiebat; quam qui optimo esset gustu, vtrumq; tamen modeste, atq; adeo intra modum continuit. ad corporis .n. vires reficiendas, non ad immodicam sacietatem victum sumendum esse arbitrabatur. Quid autem dicam de eius fortitudine? qui eo semper vultu est visus in aduersis, quo etiam in lætis, ac prosperis? certe .xii. ānos, quos egit cum vxore bene locuplete fortissime egit, si quidem cū ea interea nunq̃ litigauit, verbum nullum cōmutauit. quod q̃ rarū, quā forte, q̃ omnes Herculis labores longe superet, is facile iudicabit, qui vxorē habuerit aliquando. Iustitiam vero, idq; iure

optimo omnium virtutum reginam habuit, itaq; etiam hanc vnā maxime coluit, pro qua id sibi prudenter confecerat, quod etiam crebro in ore habebat, amicitiae vnā iustitiam sanctissimas aras esse. intemperans sim (inquiēbat) amici causa, facillime ferri potest. timeam pro eodem, imprudentiae etiam propter eundem accuser, nihil admodum laboro. si vero in parua pro amico iniustitiae suspicionem mihi incidendum sit, ego tum facile in alia omnia. Possum ego vere testari, cum a quodam Primario viro, cui praecise negari non poterat, nescio quid minus honestum rogaretur, sic ei illum esse obsecutus, vt eius scriptum (res. n. scripto agebatur) pari ratione in vitamq; partem comodissime exponi posset, quod vt Pr. ciuis animaduertit, surridens inquit, vt Ferrine prudenter sapis? cui ille paulo liberius. tu vero postea in petendo non solum tuam, sed a quo etiam petas, rationē adhibebis diligentiore. Huius item virtutis est, odia sedare, lites componere, in pristina concordiam grauius infensos animos restituere, reconciliare. caue quoniam putes Ferrino, ad conciliandas hominum iratas mentes, ad discordias sedandas aptiorem vnquam fuisse. continuo. n. in huius vultu illo laetissimo iratorum animi omnem iniuriam, omne odium deponebant; si quid tamen paulo altius impressum resedisset, vix tertium huius verbum expectabat. quin se se totum effunderet, liquesceret. Iustitiae vero liberalitas coniuncta est. quoniam autem huius virtutis pars altera in officio versatur, in hac parte (nam in large dando qui potuit, cui nullae facultates adessent?) longe omnes officiosos superauit. hic scripto, hic praesens, hic in vrbe, hic foris omnib. praesto affuit, nulli vnquam defuit, tametsi altera quoque liberalitatis parte non omnino caruit, scio itē ego, cum pro quodam suo, pro quo is fidem suam mercatori cuidam obstrinxerat quinquaginta

ginta numos aureos idq; ab vxore sua dissoluiſſet, eos nunq̃ poſtea
 ab illo repopoſſiſſe. Huius autē prudentiā hoc loco plurib. non
 perſequar, id. n. Pr. tibi ſatis habebis, quod in eo toties expertus
 es, qui ei res grauiffimas quotidie commiſiſti, in quib. tibi prudē
 tiſſime conſciendis tuam opinionem, ſuam etiam aetatem facile ſu
 perabat. Iſti vero ſcire te eius opera, ſtudioq; aſſidue uſum eſſe,
 ac ſi diutius uixiſſet, diutius etiam eſſe uſurum. nam ſi huius pru
 denter dicta, ac facta ſingula recenſeam, tota huius actæ vitæ ra
 tio huc reuocanda eſt; nihil. n. non ſūmo coſilio ſuſcepit, nihil ſum
 ma cum diligentia non tractauit, nihil cum maxima prudentia non
 confecit, abſoluit. Tameſi id quoq; non leue huius teſtimonium
 vel omnis integritatis eſſe poteſt, q̃ ab eo viro inſtitutus ſit, qui
 q̃ diu vixit, ab omnib. optime adiuit, mortuus autē quaſi pro Deo
 collitur. ex Piſtophili .n. ludo hunc exiſſe (vt dicebam) maius ar
 gumentum huius prudentiæ prope nullum afferri poteſt: ſi quidem
 tantum interſit, niſi etiam interdum multo magis, à quo quis inſti
 tutus ſit, quantum etiam à quo quis procreatus; hunc is ſuſcepit,
 adoleſcentulum, aluit, inſtituit, heredē moriens ex bibliotheca ſua
 ſcripſit, in qua omnia ſua conſilia ſua manu reliquit cōſcripta. vt
 ſi nulla ſua Ferrinus prudentia probatus ſit, hoc tamen tanti viri
 teſtimonio magnopere cōmendari necceſſe ſit. cui teſtomino ſic hic
 tamen in dies magis reſpondebat, vt vtrum maius ſit, quod accē
 perit, an quod reddiderit, recte dubitetur. Quāta vero laus in vna
 amicitia ponenda ſit, neminem arbitror neſcire, qua vna de mun
 do ſublata, vt totus mūdus tollatur, necceſſe eſt; hac vna Ferrinus
 noſter cum domi, tū foris illuſtriū virorū maxime floruit, in vrbe
 .n. primarios ſibi omnib. beneuolētiæ vinculis cōiūxerat, Taſſonios
 Cōtrarios, Trotios, Biuilaquios, Calcagninos, Areoſtios, Muſa

tios, Costabilios, Sacratios, ceterasq; nobiliss. familias. foris autē Cornelios, Pepulios, Maluetios, Rangonios, Turios, Martinengos, Viscōtios, innumerabiles alias totius italię, multis ac magnis officiis vrbanis adiunxerat amicitiiis, quib. omnib. cum hic tā impropuſo nuntius afferetur, cum Ferrinum decessisse nūciabitur, Dii boni qui gemitus & quę suspiria excitabuntur & qui ploratus & quę lamenta & quę in fata ipsa etiā aspera verba & Tu vero in primis vbi vbi es, Victoria Collonia, quo numero & quib. versib. huius interitū deplorabis & quo questu viduatam eius vxorem lamentaberis & scio .n. tibi statim totum statum tuum (si licet parua magnis interdum conferre) in mentem venturū, eiusq; vulneris parē rationē vulnus tuū paulo accerbius refricaturam, Hęc omnia Pr. quę de tanto viro commemorauimus, sua quidem, eaq; maxima cōmendatione digna sunt, quęq; summis in cœlū laudib. efferantur. verum illud, quod nunc dicam, huius omnes, atq; adeo ceterorum omniū hominū laudes facile superat. Multos quotidie Pr. eosq; etiam cumulatissime laudari audimus; semper aliquid tamē, atq; etiam multum interdum in iis desiderari, semper aliquid excipi, item audimus, tam .n. humana conditio ad perfectionem suam debilis atq; manca est. hic vero noster sine vlla virtutis exceptione, sine vlla controuersia, omnium omnib. coniunctissimis sententiis in cœlum fertur. nihil contra vel minimi vicii affertur, nullo turpetudinis neuo tanta sanctiss. viri integritas aspersa est. iuuenes senes, viri, fæminę, pauperes, diuites, ciues, peregrini, eque huius laudandi finem faciunt nullum. Quod vero ad literarum studia pertinet, hic in primis politionib. literis, quas humaniores appellāt, delectabatur, in quorū omnium facultate cum admodū uersaretur, oratorib. tamen ac poetis diligentiores operam dedit; in quorum

alteris interdū etiam aliquid, neq; fortasse ingrate, lufit; valuit. n.
 multū in epigrāmate, ſed longe magis in lyrico carmine præcelluit.
 in alteris id curæ adhibuit, vt linguam ſuam magis locupletiorē
 redderet, q̃ latinā perdiſceret, tametiſi neq; in ea priuſus, ſi quādo
 uſus ei veniret, ſcriberet impolite. Sed cū eius ſtudii facultas ma
 gis hoc dicendi genus, quod vulgare appellant, bene cultū poſtulas
 ret, in hoc vno longe ſtudioſius habitauit, in quo etiam ſiue in pas
 gendis verſib. ſiue in ſoluta oratione conſcribenda, egregie excel
 luit; extāt eius complures endecaſyllabi ad Franciſci Petrarchæ
 rationem ea elegantia, atq; dignitate conſcripti, quæ à doctis ite
 rum & ſæpius ſumma cum voluptate legi poſſint. In ſoluta vero
 oratione præter infinitas, eaſq; optime ſcriptas literas, legitur eius
 oratio de laudib. eloquentiæ & artificio, & doctrina minime vul
 gari; ſupplicem huius item libellum ad te Her. Pr. pro Bartho
 lomeo Ambroſio legimus ipſi, ea copia, ea dignitate, eo ſplendore
 ea deniq; arte conſcriptum, qua nullum (audeo dicere) in eo genere
 vnq̃ legiſti, neq; leges multos in annos. In Bibliotheca autem
 ſibi conſtituenda Dii boni quid non impendit? cui vnq̃ ſumptui
 pepercit, cū liber aliq; nobilis editus eſſet? omniū librariorū indices
 adibat, quos bono nomine ī illis libros offendiffet, ad Gre. Giraldu
 appollinem ſuum delphicū deferebat, eius conſilio poſtea aut eum
 emebat, aut reiiciebat. poſtremo etiā paucis ante q̃ moritur dieb.
 Galenum integrum Auguſtino, Ariſtoteliq; adiūxerat, quam Bib
 liothecam ea diligentia (vt elegantiff. librorū conglutinationē omit
 tam) eo ſtudio, eo nitore cuſtodiebat, qua ſe ipſum, qua os ſuum
 faciebat. Iam vero quod ad religionem attinet, in qua vna ſalus
 noſtra continetur, cætera, n. ad ornamenta ea quidem ſunt recte cō
 ſtituta, hæc vero vna ad perpetuam ſalutem cōparata eſt, hic de

Christo optimo maximo, ac de Christi ipsius sanctiss. institutis integerrime sentiebat. frequens erat in Hieronymo, frequentior in Augustino, Paulo autem mirum in modum afficiebatur. Tercio die quo in morbum incidit, ex quo non conualuit, Mutinæ, quò te Herc. secutus erat, sacerdotem postulat, huic de more sanctiss. errata sua confitetur, penitentiam agit; domum autem relatus, suū. item certum acciri imbet sacerdotem, confessionem illam renouat; sub quam Christi corpus postulat, quib. sanctissime peractis, Deo gratias agit, quòd sibi eo quoq; tempore ad salutem non defuisset. ingrauescit in horam morbus, assidet sacerdos sanctiss. Christi cruciatus humanos illi interea legens, quos sibi is eum passum esse sciebat. postremo cum prope animam ageret, vt se sanctiss. oleo vinctum sensit, sacerdoti etiam gratias egit, qui sibi in omnibus quæ ad fidelem christianum morientē pertinent, præsto affuisset, neq; multo post meritur. vt nulli dubium esse possit, qui ita in fine se. cum Deo gessit, quin ita de eo, vt par christiano fuit, semper iudicabit. Quin et ex eo ipso sanctiss. discessu nulli dubitandum esse arbitror, quin tam religiosus animus, tamq; pio deorum cultu præditus, recta in cælum euolarit, vbi vnus cœlitum factus ea gloria perfruitur, quam quisq; nostrum, qui Christū humani generis seruatorem fatemur, quiq; eius sanctiss. mandatis fideliter obtemperamus, frui speramus. Fuit hic quidem dies Pr. tibi acerbus, huius liberis, vxori, propinquis cæteris luctuosus, ciuib. tristis, amicis omnib. grauis, sed ex iis, quæ ante diximus, ea fides omnib. fit, vt non solum hic ex iucundissima vita in aliquod malū ereptus, sed ex summis miseriis in summam gloriam sublatus esse videatur, nā qui ita vixit, itaq; moritur, cū christo eū vixisse, atq; nunc cum eodem beatius viuere, pro certo est affirmandum. Quare illi etiam

magis gratulandum esse nunc censeo, quod is animus quasi ex suo exilio in patriā reuocatus sit, q̄ ex his tenebris in æternā ac splē didiss. lucem exiuerit, q̄ ex hoc carcere ad veram illam ac perpetuam gloriam euolarit, q̄ quicq̄ dolendum, quō eo cadente nobis multa, ac maxima cōmoda conciderint. Vim igitur dolori faciendum est, lachrimæ cohibēdæ, fletus, questus, lamenta compescenda sunt, ne magis in erepto amico nostra cōmoda queri videamur, q̄ summa illi bonorum omnium accessione facta non magnopere lætari, id quod Pr. ampliss. vt eius vxor, socer, socrus, propinqui reliqui, qui dolori lōge propiores sunt, facilius præstare possint, in tua positum est manu, id autem erit, si huius liberos, illorū nepotes tua aliqua presenti benignitate subleuari curabis, duo mares sunt, fœmine quatuor, septimus reliquus est, qui septimum mensem in matris vtero misere agit; cui, cum in has tenebras (quid .n. lucem dicam cui omnis lux in patre mortuo adempta est) exhibit, Bartholomei patris nomen posthumo paratum est. sane misera liberorum manus, nisi in hac sua calamitate eo minus infelices liberi, q̄ eam ætatis beneficio nullam nunc sentiunt, sed si à te destituantur, omnium futuri sunt miserrimi, cum natu grandiores in vno sanctiss. parente suo cadente, omnia sua bona concidisse intelligēt. Tametsi iure quidam optimo liberi ipsi quasi tecum agere posse vidētur, vt fidem tuam, quam auo materno dedisti, sibi nunc eam tandem discoluas, tecū .n. hi sic agunt. Scimus Herc. Pr. te facile recordari, cum auus noster Ferrinum tum, postea parentē nostrum, generum suum recūsaret, propterea q̄ nulla illi res erat, nihil suum, in quo pedem ponere posset, habebat, quasi hoc, quod euenit miser senex misere diuinans, te illi respondisse, mihi ea est pro eo quoq̄, q̄ amplissima, cui voci tum infelix auus filiam suam despondit, quā

tuam benignitatē pater viuens, quę summa eius erat modestia, nū
quā a te postea repetiuit, neque tu interea, nobiliss. fortasse occasionem
aliquam expectans, quicquid in eum contulisti; nunc vero cū pater de
cessit, hoc est (si quid tamē magis dici potest, quā pater) cum om
nis victus, educatio, honos, dignitas bona omnia nobis alempa sint,
istanc eandem benignitatem tuam in hac tanta egestatis nostrę oc
casione omnib. lachrimis à te eflagitamus. Sub matre quidem Pr.
sumus, quę vere, si qua alia, mater est, sed adolescens mater est
tamen, ac fœmina; hæc si secundo nubat, quod eius ætas nobis mas
xime minatur, victum nostrum, atque adeo vitam nostrā vitrico do
tem secum est allatura; nos vero nunc patre optimo orbat, tum à
matre etiam viua destituti, atque deserti, quo Pr. confugiemus? cu
ius opem implorabimus? quid miseris septem infantulis pueris fa
ciendū erit? Ferrini scilicet filii victum hostiatim queremus? ni
hil tandem nobis à parte relictum erit, nisi Ferreum nomen? nisi
egestas? nisi rerum omnium indigētia? Tu solus Pr. ampliss. nobis
relictus es, in quo omnis spes nostra nitatur, cui vni confidamus, in
cuius vnus benignitate secure acquiescamus, amici, paucis quibus
dā exceptis, vnā cū ea vtilitate, quam ex parēte vero percipebāt,
nobis interiere. Tu solus es Pr. qui non pro nobis rogare, sed qui
iubere potes, vt nobis benignissime fiat. Iube igitur Pr. ampliss.
atque idem christianiss. iube aliquid nobis attribui, vnde victū, vn
de vestitum certiss. sumamus, neque quo ad luxuriā abutamur, sed
quo mares ad paterna studia, fœminę ad legitimas nuptias minus
misere traducamur. Hęc tecū Pr. miseri liberi tanto patre orba
ti, à propinquis penē nudi, à re certe pessime parati. ego vero hæc
etiā pauca. Nulla hæc tibi causa sit Pr. quę obrem his miseris filio
lis subuenias, nūquā id dixeris, nunquā promiseris, et te tantū moueat

causa, & eius hi filii sunt, quem ipse tā opere dilexisti, qui quā diu vixit parenti tuo partim, partim tibi ipsi fidelissime vixit, in quem ille sua morte occupatus, tu istius impeditus. Nullum separas-
tim beneficium, cum maxima quotidie policeremini, contulisti, tu nunc, quod Ferrino tuo, atq; parentis tui nomine debebas, eius filiis disolue, fidem veriusq; vestrū libera, miseris subueni. Scio ego te Pr. (quæ tua est animi altitudo) in ista benigne faciendi ratione libentissime versari, cum tua sponte id facis, cū nullis officiis pro-
uocatus eam exerces, isti tuo splendidissimo animo sine nunc accedant Ferrini fides erga te tot ânorū integerrima, tot itinera sum-
mæ difficultatis plena, hoc etiam mutinense, quod q̃q; omniū fac-
cillimum esse debuit, huic tamen perniciosius accidere non poterat, cum in eo vitam amiserit, Da igitur vtriq; et quod à te iure
equiss. expectamus, ex tua benignitas à te postulat ipsa. fac Pr. ampliss. vt quod miseri filii ætatis beneficio parentem sibi ereptū
esse non sentiunt, tua etiam benignitate in re eum sibi decessisse
minime sentiant, quod pater à te expectabat, eius filiis elargire, in
hoc illis te parentem præbe, in cuius ipsi officio tantum parentem
amiserūt, hoc exemplo ceteros excita, qui hoc munus subeant ala-
crius, qui vero in pari versantur, hoc modo eos et studiores ef-
fice, cum quod suis sperant, aliis benignius fieri videant. Ferrino
postremo hanc gratiam fac, illum hac summa quoq; affice volupta-
te, qui, si quiq; qui decessere, sentiunt ex iis, quæ apud nos geruntur,
vbi senserit filios suos quasi in filiorū locū a te esse susceptos, nō
& hæc eā, qua apud Deū opti. fruitur maxima, lætitia superatura
sit; certe ex isto tuo præclariss. facto nō minus capiet voluptatis, q̃
si in se ipsum, cum tecum viueret, hæc omnia, atq; adeo multo plu-
ra, multoq; maiora contulisses. Dixi.

.D.

M.

BARTHOLOMAEO FERRINO HERC. II.
FERR. PR. A SECRETIS, FIDE IN SVVM
PR. SINGVLARI, RELIGIONE IN DE
VM SANCTISS. STUDIO IN AMI
COS. HVMANITATE IN OM
NES RARISS. PARI ET COR
PORIS ET ORATIONIS
ELEGANTIA, TOTA
DENIQUE VITA
QVAM IN TE
GERRIME
PERAC
TA.

OB QVAS VIRTVVES AB VNI
VERSA CIVITATE
NVLLO FINE DEFLETO.

IACOB. SOCER, ANTONIA SOCRVS
VNA CVM MOESTISS. FILIA
EIVS VXORE CHARISS. PO
NI CVRARVNT.

VIXIT AVTEM ANNOS XXXVII.
OBIIT PR.
NO. OCTO, M. D. XLV.

27-206
201

